

Royal Greenlandimi whistleblowereqarnermik aaqqissuussamut politikki

Whistleblowereqarnermik aaqqissuussap siunertaa

Royal Greenlandip suliffeqarfissuarmi sulisut tamaasa whistleblowereqarnermik aaqqissuussamik neqeroorfigai, tamannalu naleqartitatsinnik politikkitsinnillu tapersiilluni siuarsaallunilu isumannaallisaanermi aaqqiineruvoq.

Inuit aaqqissuussami inatsisinik, malittarisassanik suliffeqarfiullu ileqqoreqqusaanik unioqqutitsisoqarsimaneranik nalunaaruteqartut illersorluarneqarnissaasa qulakkeernissaa siunertaavoq. Suliffeqarfittut akisussaaffillit kikkut tamarmik toqqissimallutillu qulaani taakkartorneqartut unioqqutinneqarsimasinnaanerannik nalaassisimatillutik oqaatiginnissinnaatitaanerit kulturitsinniippoq.

Sulisut ataani allassimasunik unioqqutitsisoqarsimaneranik pasitsaassaqartillutik, aqutsisumut qaninnermut ornigunnikkut nalunaaruteqartarnissaat kajumissaataavoq. Whistleblowereqarnermik aaqqissuussaq nalunaaruteqartarfinnit nalinginnaasunit qinigassatut allaaneruvoq. Nalunaarfinnut allanut nalunaarnerit, matumani inummut pingajuusumut nalunaaruteqarnerit ilaallutik, Royal Greenlandimut tatiginassuseqartussaataitaanermik innarliinertut nalilerneqaratarsinnaanerit erseqqissaatigineqarpoq.

Aaqqissuussap iluaniittut

Aaqqissuussaq tunngavigalugu sulisut isumannaatsumik nalunaaruteqarsinnaanerit qulakkeerneqarpoq.

Makkununga tunngasunik nalunaaruteqartoqarsinnaavoq:

- Aningaasatigut pinerlunneq, tassunga ilanngullugu akiliilluni akuersititsineq, peqquserlunneq, peqquserlulluni allagaasiorneq, akilersilluni peqquserlunneq assigisaallu
- Kukkunersiutinnermut suliffeqarfiullu iluani kukkunersiutisoqarneranut atatillugu naapertuutinningsuliernerit
- Avatangiisinut mingutsitsineq
- Inuusutissalerinnermi isumannaatsuutitsineq pillugu malittarisassanik unioqqutitsineq
- Suliffimmi avatangiisini tarnimut timimullu isumannaallisaanissamut peqqussutinik unioqqutitsinerit annertuut kiisalu immikkoortitsinerit
- Sulinnermi inuttullu pisinnaatitaaffinnik unioqqutitsinerit, matumani meeqqanik sulisoqarneq ilanngullugu, pinngitsaaliissummik sulisitsineq kiisalu kiffaanngissuseqartumik peqatigiiffiliorsinnaanermut kattuffiliorsinnaanermullu kiffaanngissuseq.

Qulequttat allat, soorlu suleqatigiinnermut, qinngasaarinnermut, suliertunngitsoornermut assigisaannulluunniit tunngasunut nalunaarutit aaqqissuussinnermit matumanga peerneqarlutillu pisortamit qaninnermit suliarineqassapput, taakkunungali aqutsisumut qaninnermut tunngatillugu suliat ilungersunartut qulaanilu qulequttanut ilaasut ilaatinneqanngillat.

Inuit aaqqissuussap aqqani nalunaarutigineqarsinnaasut tassaapput sulisut, siulersuisunut ilaasortat pilersuisullu.

Nalunaaruteqarneq

Aaqqissuussaq Royal Greenland A/S-ip 100 %-mik piginnittuuffigisaani nunatsinniittuni nunanilu allaniittuni sulisunit siulersuisunullu ilaasortanit atorineqarsinnaavoq.

Atermik taasinani imaluunniit kinaassuseq taallugu nalunaaruteqartoqarsinnaavoq. Sullissinerup pitsaanerpaanissaa anguniarlugu ammasumik pissuseqarnissaq innersuutigineqarpoq. Saaffiginnissutit tamarmik isertuunneqarlutik suliarineqartarput.

Nittartakkakut iserfissatigut imaluunniit suliffeqarfiup avataani inatsisilerituunut ornigunnikkut oqaatsitigut allakkatigulluunniit nalunaaruteqartoqarsinnaavoq. Inatsisilerituunut suliffeqarfiup avataaniittunut attaveqarnissamut paasissutissat nittartakkakut iserfissami takuneqarsinnaapput.

Sullissisut

Royal Greenlandimi aqqissuussaq nunatsinni suliffeqarfiup avataani inatsisilerituut allaffiannit ingerlanneqarpoq. Aqqissuussaq nittartakkatigut kalaallisut, danskisut tuluttullu allassimasoq nassaarineqarsinnaavoq. Pisoq aqqissuussap imarisaanut ilaappat Royal Greenlandimi inunnut saaffigisassanut ingerlateqqinneqassaaq, taakkulu siulersuisut sinnerlugit suliffeqarfiup iluani pisussaaffinnik suliaqarnissamik pisortaqatigiinnit piumaffigineqarsimapput.

Saaffissat misissuinerit tamarmik pissutissaqavissumik, naapertuuttumik illuinnaasiunngitsumillu ingerlaneqarnersut qulakkiissallugu pisarialinnik iliuuseqartussaapput. Saaffissat taamaalillutik paasissutissanik nalunaarummut pineqartumut attuumassuteqarsinnaasunik tamanik killeqanngitsumik misissuisinnaapput. Inatsisilerituut misissuinerinnarmut pisariaqarpat ilanngunneqarsinnaapput.

Pisumik isumaginninneq

Nalunaarummik tigusinermi pisoq ullup suliffiusup ataatsip iluani nalilernerqassaaq. Inatsisileritooq sapinngisani malillugu piffissaliussap taassuma iluani suliap qanoq isumagineqarnissaanik saaffissanut innersuussissaaq, taakkulu ullualuit ingerlaneranni suliap sukumiinerusumik misissorneqarnissaa kiisalu sulinerup nanginnissaanut inatsisilerituut qanoq peqataatigissanersut aalajangissavaat. Nalunaarut aqqissuussap imarisaanut ilaatinneqarpat, suliami inuk inuilluunniit pineqartut nalunaarummut pineqartumut tunngatillugu ilisimatinneqassapput. Pissutsilli immikkuullarissut pissutigalugit pisariaqartutut nalilernerqarpat nalunaarut kinguartinneqarsinnaallunilu peerneqarsinnaavoq.

Nalunaarut nassiunneqarpat postboks isumannaatsoq isissutissartalik pilersinneqassaaq, taannalu nalunaaruteqarnerup kinguinngua nittartakkatigut tiguneqassaaq. Isissutissaq taanna atorlugu postboksimit iserlutit nalunaaruteqarnerpit killiffia suliamilu ingerlaqqinnera takusinnaavatit. Attaveqatigiinneq tamarmi paasissutissat tunniussatit kisiisa tunngavigalugit postboksikkut ingerlanneqassaaq.

Inaarutaasumik naliliineq piareerpat Pisortaqatigiit ilisimatinneqassapput.


Tusarliussinnginneq qarasaasiatigullu isumannaassuseq


Sulianik isumaginninnermi inummut paasissutissanik suliarinnittarneq pillugu inatsit qaqugukkulluunniit malinneqassaaq. Royal Greenlandimit saaffissat, inatsisileritooq suliamullu peqataasut allat (suliffeqarfiup iluani avataanilu) inummut paasissutissanik suliaqartillugit inummut paasissutissat illersorneqarnissaannut naleqquttumik iliuuseqartarnissaat qulakkeerneqarpoq. Paasissutissat illersorneqarnissaannut iliuutsitigut paasissutissat inunnut tunngasut nalaatsortumik, eqqunngitsumik unioqqutitsisumillu isumagineqarnissaat, annaaneqarnissaat, peerneqarnissaat akuerisaanngitsumilluunniit atorneqarnissaat pinaveersaartinneqarpoq.

Paasissutissat inatsit malillugu saqqummiunneqarnissaat piumasarineqanngippat, misissuinerit isertuussamik tusarliinertaqanngitsumillu ingerlanneqassapput, tamatumalu malitsigisaanik nalunaarummut paasissutissat inatsisilerituumit, saaffissanit kiisalu inunnit misissuinerimut attuumassuteqarsinnaasunit taamaallaat takuneqarsinnaassapput.

Paasissutissat sukumiinerusut saaffissanit pissarsiarineqarsinnaapput.

Nuuk, ulloq 1 /12 -2021


Mikael Thunghuus
Pisortaaq


Lars Nielsen
Tunisassiornermut pisortaq


Nils Duus Kinnerup
Aningaasaaqnermut pisortaq


Bruno Olesen
Tuniniaanermut nittarsaassinermullu pisortaq